

UNIVERZITET U SARAJEVU
MUZIČKA AKADEMIJA U SARAJEVU
Sarajevo, decembar 2012.

CENTAR ZA MUZIČKU EDUKACIJU PROGRAM DJELOVANJA

I. Misija i vizija

Misija Centra za muzičku edukaciju (CME) je unaprijeđenje muzičke edukacije u svim stupnjevima muzičkog obrazovanja u muzičkim i opšteobrazovnim školama. U proces unaprijeđenja uključeni su uposlenici i studenti Muzičke akademije u Sarajevu (MAS). Radi potpunijeg ostvarenje svoje misije CME, odnosno MAS će sarađivati sa svim visokoobrazovnim muzičkim institucijama, osnovnim i srednjima muzičkim školama i drugim institucijama kojima je muzika glavna oblast djelovanja.

Vizija CME-a je postati vodeći centar za muzičku edukaciju koji će se oslanjati na pedagošku, umjetničku i naučnu djelatnost MAS-a. Tu će ulogu ostvarivati kroz savjetodavnu, organizatorsku i istraživačku djelatnost.

Misija i vizija bi trebalo da dovedu do višeg stupnja razvoja muzike nego je to sadašnje stanje u kojem je muzika kao umjetnost stavljena na marginu obrazovanja i društvenih tokova.

Centar će djelovati u skladu sa sloganom “znanje imati je jednako važno kao i znanje dati”. Ova edukativna mudrost je suština ne samo opšte već i muzičke edukacije. Ovome treba dodati da se muzička edukacija odvija u specifičnim okolnostima težnje da se stvaraju kolektivne i individualne muzičke vrijednosti najvišeg nivoa.

II. Ciljevi

Razvoj muzičke kulture u pravcu promjene umjetničkog stava stanovništva prema umjetničkim vrijednostima se postiže najprije dobrom muzičkom edukacijom, a onda i stalim elementima koji muziku čine umjetnošću. Cilj/evi CME-a su:

- vršiti poslove cjeloživotnog obrazovanja (LLL) svojih uposlenika i uposlenika osnovnih i srednjih muzičkih škola i opšteobrazovnih škola svih stupnjeva, zatim članova izvođačkih ansambala i uposlenika drugih institucija u kojima je muzika glavna ili jedna od glavnih oblasti zanimanja,
- vršiti istraživanja u cilju upoznavanja stanja na terenu i iznalaženja novih načina za podizanje muzičke edukacije na viši nivo,
- vršiti i druga istraživanja koja su u skladu s misijom, vizijom i ciljevima,
- poticati studente MAS-a i drugih akademija ka podizanju znanja iz oblasti muzičke edukacije i iznalaženju inovacija za poboljšanje muzičke edukacije na svim nivoima,
- poticati svoje alumnije koji se bave muzičkom edukacijom za uključenje u aktivnosti CME-a,
- jačanje veza sa institucijama kojima su potrebni projekti CME-a,
- organiziranje aktivnosti koje vode podizanju muzičke edukacije na viši nivo (razgovori, seminari, majstorske radionice, stručni i naučni skupovi, festivali i sl.),
- dugoročni cilj je stvoriti stabilnu muzičko-edukativnu infrastrukturu u društvu koja će osigurati dobar ulazni kvalitet za upis na viši nivo muzičke edukacije.

III. Servisi CME-a

Djelatnost CME-a će se odvijati kroz sljedeće servise: resursni, edukativni, studentski i istraživački.

- resursni servis obezbjeđuje ulazne podatke o pojedincima koji se bave muzičkom edukacijom, kontaktira pojedince i ustanove zainteresirane za aktivnosti CME-a,

- edukativni servis organizira aktivnosti edukacije na svim nivoima u smislu ugovaranja sastanaka, seminara, programa, online kurseva, predavanja, prezentacije nastavnika i studenata i sl. Zainteresirani nastavnici MAS-a će razvijati prethodne aktivnosti iz svoje uže oblasti i servisirati ih zainteresiranim korisnicima,

- studentski servis ima zadatak animirati studente za dodatna znanja iz oblasti muzičke edukacije. Posebna pažnja bit će usmjerena na pomoć studentima za lakše snalaženje na muzičkom tržištu u cilju iznalaženja mogućnosti za djelovanje raznih vidova, od projektnih djelatnosti do nalaženje zaposlenja,

- istraživački servis se naslanja na prethodne s osnovnom zadaćom da osigura komercijalnu održivost CME-a kroz razvijanje istraživačkih projekata. Projekti mogu biti traženi od strane zainteresiranih, a takođe i samopokrenuti od strane istraživača i ponuđeni javnosti za realizaciju. Sredstva za pojedine projekte će se tražiti putem aplikacije na fondove vladinih i nevladinih, domaćih i stranih organizacija, odnosno zainteresiranih potražioca projekta.

IV. Realizacija djelatnosti

Programsko djelovanje CME-a se odvija kroz projekte u kojima učestvuju nastavnici i studenti MAS, ali i drugi zainteresirani djelatnici iz oblasti muzičke edukacije. Projekte oblikuju pojedinci ili timovi projekta u cilju iznalaženja sredstava i potpora drugih vrsta. Projekti su primjereni oblasti djelovanja, a mogu oblikovati neku praktičnu ili istraživačku djelatnost.

V. Organizacija CME

CME-om rukovodi šef koji je nastavnik MAS. Pored šefa CME ima i sekretara. CME djeluje po servisima u koje se uključuju nastavnici i studenti.